

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӦН ШУӦМ

«Регыдъя медицина отсӧг сетан Воркутаса больнича» Коми Республикаса йӧзлысь дзоньвидзалун видзан канму съӧмкуд учреждение выль ног котыртӧм йылысь

Коми Республикаса Веськӧдлан котыр шуис:

1. Выль ног котыртны «Регыдъя медицина отсӧг сетан Воркутаса больнича» Коми Республикаса йӧзлысь дзоньвидзалун видзан канму съӧмкуд учреждение (водзӧ – учреждение) сы дорӧ «Вуджан висьӧмысь бурдӧдан Воркутаса больнича» Коми Республикаса йӧзлысь дзоньвидзалун видзан канму съӧмкуд учреждение ӧтлаӧдӧмӧн.

2. Урчитны, мый учреждение учредитысьлысь могъяссӧ да уджмогъяссӧ збыльмӧдӧ Коми Республикаса йӧзлысь дзоньвидзалун видзан министерство.

3. Коми Республикаса йӧзлысь дзоньвидзалун видзан министерстволы:

1) Коми Республикаса эмбур да му йитӧдъяс комитеткӧд ӧтув нуӧдны оланпастэчас серти колана юридическӧй уджъяс, кутшӧмъяс йитчӧмаӧсь учреждение выль ног котыртӧмкӧд;

2) урчитӧм пӧрадокын лӧсьӧдны учреждениелысь учредитан документъяссӧ тайӧ шуӧм серти.

4. Тайӧ шуӧмсӧ олӧмӧ пӧртӧм бӧрся видзӧдны Коми Республикаса Веськӧдлан котырӧн Юрнуӧдысьӧс вежысьлы, кодӧ кывкутана могъяс юклӧм серти ладмӧдӧ Коми Республика мутасын гражданалысь дзоньвидзалун видзан юкӧнын канму политика збыльмӧдан юалӧмъяс серти Коми Республикаса олӧмӧ пӧртысь власьт органъяслысь уджсӧ.

5. Тайӧ шуӧмыс вынсялӧ сӧйӧс примитан лунсянь.

Коми Республикаса Веськӧдлан котырӧн
Юрнуӧдысьӧс вежысь –
Коми Республикаса экономика сӧвмӧдан
да промышленность министр

Э. Ахмеева

Сыктывкар

2022 вося урасьӧм тӧлысь 9 лун

48 №